



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Exercitiorvm Spiritvalivm

Capilla, Andrés de

Coloniae, 1607

Quando factum aliquod boni exempli videmus. Exercit.S 16

[urn:nbn:de:hbz:466:1-53232](https://nbn-resolving.org/urn:nbn:de:hbz:466:1-53232)

posita excusatione placidè hominum
contumelias & probra sustineamus.
Rogabimus etiam pro illis, qui no-
bis contumeliam irrogare videntur.

Oblatio.

Offeremus nos Domino, ad om-
nem ignominiam, atque contu-
meliam, amore illius prompto & a-
lacri animo perferendam; nostras
hasce ignominias, illis quas Christus
Redemptor noster, nostri causa in
hoc mundo sustinuit, iungēdo atque
vniendo.

*Quando factum aliquod boni
exempli videmus.*

Exercit. 16.

*Roma. 8. Honor & pax omni operanti bo-
num.*

Rom. 12. Odientes malum, adherētes bono.

*Galat. 6. Bonum autem facientes, non desi-
ciamus, tempore enim suo metemus.*

*Psal. 118. Particeps ego sum omnium timeu-
tium te & custodientium mandata tua.*

Consideratio.

Considerabimus Dominū operari
in nobis velle bonum & idē posse
ope-

opere perficere & nihilominus tantę est beneficentię, ac liberalitatis erga creaturas suas, vt munera sua, constituat merita nostra.

Gratiarum actio.

GRatias reddemus Domino ; pro gratia quam fratri concessit, bonum illud exequendi: proque bono exemplo, quod in hoc opere nobis prætulit: vt his quasi stimulis ad eadem operanda excitemur.

Confusio.

VErecundabimur, ob mala & peruersa exempla quibus scandali causa proximi fuimus ; atque agnoscemus nos esse seruos inutiles, & nullius frugi in domo Domini.

Petitio.

PETemus à Domino, vt conseruet & augeat gratię suę dona in proximo nostro; vt ei que largiatur in bonis operibus perseuerantiam, & quotidianum profectum: Et vt nobis eadem gratiam donet, qua roborati virtutum studijs insistere, & quotidie

maio

maiora meritorum augmenta capere
valemus.

Oblatio.

Offeramus Domino, vniuersa bona opera, quæ per iustos, & pios homines efficiuntur; laudando & glorificando eum in donis suis.

*Quando factum aliquod mali
exempli conspiciamus.*

Exercitium. 17.

Psalm. 36. Declina à malo & fac bonum.

*Psalm. 96. Qui diligitis Dominum, odite
malum.*

Ioan. 3. Noli imitari malum, sed quod bonum est.

Prou. 14. Errant, qui operantur malum.

Consideratio.

Dabimus operam, vt quantum licebit, proximum excusemus, vel intentionem saluando; si opus ipsum culpa liberari nequeat: vel cogitando ipsum ex infirmitate, graui aliqua tentatione superatum illud perpetrasse, iamque ad delicti agnitionem peruenisse, & coram Deo magna animi
sub-